

根本說一切有部毗奈耶雜事卷第二十 賤十

唐三藏法師義淨奉 制譯

第六門摠攝頌曰 此二頌攝至三十一卷半

猛獸筋不應 燈光及勇健 馱婆度尼法

因許喬荅弥 尼不前長者 可與餘卧具

不合漬冰汗 第六摠應知

第六門第一子攝頌曰

猛獸筋皮綻 擁前後擁後 兩角及尖頭

諸靴皆不合

緣在室羅伐城佛言苾芻不應用五猛獸皮

有爪牙者謂智象智馬師子虎豹是時六眾

用彼獸筋還同有過佛言不用此筋而縫鞋

履六眾便用皮綻有過同前復用其皮補鞋

佛言皆不合用如是應知履履之屬若擁前

擁後兩角尖頭麻履諸靴皆不應著皆越法

罪除兩三重革屣 如斯之類西國人皆不著

緣持心 方用

內攝頌曰

四大王初誕 光明普皆照 父母因斯事 各為立其名

余時菩薩在觀史天宮王舍城中有五名曰 大蓮花以法化世人民熾盛安隱豐樂無諸 盜賊室羅伐城王名梵授唱誓尼城王名大 輪橋閃毗城王名百軍此等四王皆是法王

以法化世廣說如餘是時菩薩於天宮上以 五種事觀察世間云何為五一觀遠祖二觀 時節三觀方國四觀近族五觀母氏六欲諸 大三淨母腹摩耶夫人因寢夢見六牙白象 來降腹中于時大地六種震動放大光明遍 滿世界勝天光明世界中間黑闇之處日月

不照悉皆明了所有眾生皆得相見菩薩生 時如下所說四大國王皆誕太子見大光明 如鎔金色各各自言由我生男威神力故能 令天地光曜希奇各為立名用符靈瑞時大 蓮花王告眾人曰我子生時如日光影軋坤 洞照勝妙希奇應與我子名曰影勝 梵云頌 毗婆羅

其梵授王告衆人曰我子生時光明殊勝普照世間應與我子名曰勝光其大輪王告衆人曰我子生時如大燈光遍皆明照應與我子名曰燈光其百軍王告衆人曰我子生時光如日出無不明了應與我子名曰出光各自謂子之功能然並不知由菩薩力

賤十

二

內攝頌曰

腹中天守護

生已蹈蓮花

舉手獨稱尊

灌洗花衣落

尔時菩薩降母腹中天帝釋主令四天子各持器仗守護其母勿令人及非人輒為損害菩薩處胎不為胎中血垢所汙譬如衆寶聚

在一處不相露汗菩薩在腹亦復如是又如清淨妙琉璃寶置五彩上明目之人分明見別母觀腹內分明亦尔母雖持胎身無勞倦自然奉持五種學處謂盡形壽不殺生不偷盜不邪淫不妄語不飲酒於諸丈夫絕姪染意十月滿足往藍毗尼林攀無憂樹枝暫時

佇立便於右脇誕生菩薩尔時大地六種震動放大光明與入胎無異菩薩生時帝釋親自手承置蓮花上不假扶持足蹈十花行七步已遍觀四方手指上下作如是語此即是我最後生身天上天下唯我獨尊梵王捧傘天帝執拂於虛空中龍王注水一温一冷灌

浴菩薩初誕生時於其母前自然井現香泉上踊隨意受用又於空中諸天下散唄鉢羅花鉢頭摩花拘勿頭花奔陀利花并餘種種奇妙香末天妙音樂自然發響天妙衣瓔從空乱墜更有衆多奇妙靈瑞如餘處說

賤十

內攝頌曰

阿私多觀相

那刺陀勸師

五百瑞現前

父王立三字

于時南方於大山中有古仙人名阿私多善知世界成壞時節時有一人名那刺陀聰明辯慧數來參謁阿私多仙共論世間成壞之事聞已傷歎即於仙處而為出家後於異時

共此仙人在石窟中見光明照異相希奇即說伽他問其師曰

何故此光明 遍照猶如日 充滿山林處

忽現此希奇

仙人答曰

若是日光便赫烈 今此涼冷現希奇

必是無上牟尼尊 初出母胎彰此瑞

此是菩薩出胎相 光明清淨世希有

譬如金色滿十方 騰照三有皆明徹

那刺陀白其師曰即波默耶若如是者今可

共行往觀菩薩師曰子今知不善提薩垂有

大威神無量諸天悉皆雲集我等雖至頂謁

無由待入城中為立名已如其重出我望途

迎菩薩生時闡鐸迦等五百侍者同時而生

闡雅迦等五百侍女亦同時而誕上象廐馬

皆生五百五百伏藏自然開發隣國諸王皆

奉信物大臣見已白淨飯王曰大王今日國

祚興隆王子誕生喜瑞咸應五百侍男五百

侍女上象上馬各生五百五百伏藏自然開

現諸國朝賓奇珍摠集主聞告已心大欣躍

告大臣曰太子生後諸事皆成宜與立字名

一切事成梵他悉陀此是菩薩最初立字號

一切事成是時菩薩乘四寶輿無量百千人

天胡從入劫比羅城諸釋迦子體懷憍慢立

性多言菩薩入城皆悉默然牟尼無語王見

是已報諸臣曰諸釋迦子體懷傲慢立性多

言太子入城皆悉默然牟尼無語應與太子

名曰釋迦牟尼此是菩薩第二立名時此城

中有舊住藥又名釋迦增長時人敬重立廟

祠祀但是釋種生男女已令淨澡浴抱至藥

又處而由敬禮時淨飯王以上酥蜜滿太子

口告大臣曰可抱太子往禮藥又大臣抱至

時彼藥又遙見太子即自現身至菩薩所頂

禮其足臣歸白王王聞是已生希有心今我

太子於天神中更為尊勝應與立字名天中

天此是菩薩第三立名

天此是菩薩第三立名

內攝頌曰

付母養太子 令觀大人相 阿私多遠至

親觀牟尼形

尔時父王便以太子付諸養母隨時澡浴乳
哺飲食常令安隱適悅身心養母便以上妙
塗香塗摩身體具諸瓔珞授與父王王即抱

持瞻視歡喜即便揔命諸婆羅門國中所有
解占相人知筭計者令觀太子告言君等宜
可瞻察我聞古仙作如是說具三十二大丈
夫相者有其二事若在家者當為輪王昔王
四洲以法化世七寶成就所謂輪寶象寶馬
寶珠寶寶女寶主藏臣寶主兵臣寶千子具足

勇健忠良能伏怨敵周圓海內無諸患惱人
民豐樂安隱而任若出家者剃除鬚髮服袈
裟衣成等正覺有大名稱充滿世間時諸相
師聞王說已悉共觀察咸白王曰誠如大王
所說之事三十二相若成就者唯有二事謂
輪王及佛乃至有大名稱充滿世間王復問

賤十

五

曰其相云何時彼相師悉皆具答一一別指

三十二相具有廣文以共餘經及律論等事無差別故不煩譯

尔時阿私多仙人告那刺陀曰摩納婆婆比者

菩薩已入城中立三名訖我等宜往禮拜瞻

顏各乘神通騰空而去由彼菩薩威神之力

去劫比羅城可一驛許遂失神通足步而去

既入城已到王門所報門人曰汝去白王阿

私多仙今至門首使去白王王曰隨入誰遮

大仙即詣王所王見仙至遙唱善來奉吉祥

事為洗足已妙師子座安置令坐王禮足已

白言大仙何事得來仙說伽陀曰

國王我今至 欲見王太子 瞻仰牟尼尊

導師中第一

王言太子睡著答曰雖睡我欲暫觀王便抱

現觀菩薩眼雙眸不合仙既見已說伽陀曰

長馬不多睡 半夜暫時眠 所為事未成

因何久安寢

仙復問曰諸占相人有何記說王言大仙彼

相者云當作輪王化四天下仙以伽陀而答

王曰

相者語多謬

未劫無輪王

此有勝福緣

斷惑當成佛

若是化四洲

輪王相非顯

分明大師相

成佛定無疑

仙人遍觀見成佛相已復更觀察久近當得

無上甘露轉妙法輪遂見二十九年捨王城

去六年苦行當成正覺復觀自身得幾時住

得見佛不知不見佛便生憂惱涕淚盈目王

見懷愁說頌問曰

若男若女來觀者

咸悉歡喜遍身心

仁今親覩相非常

何因泣涕盈雙目

假使太子相非善

短壽多病不吉祥

唯願大仙如實言

勿令我意增憂悴

仙人答曰

假使霹靂從空下

可畏來臨太子身

此於無上牟尼尊

如毛髮許不能損

假使烈火騰風焰

利劍如霜現在前

賤十

六

毒藥黑蛇一時來 至太子處皆銷散

我傷早死不見佛 流淚盈目難裁忍

弃無上法我前亡 未有事業能成就

此有大福除衆惱 證甘露法為導師

若能聞教如說行 咸歸寂滅無為處

王聞太子證甘露法默然無語凡諸世人皆

為邪心之所擾亂出言詭譎不能依實時彼

仙人而告王曰比日大王每作是念何時得

令阿私多仙足步入城與我相見及諸人衆

致敬慇懃我哀愍故徒行至此今時事了將

欲出城可為掃除淨修郭邑時淨飯王勅令

諸臣嚴治道路普告城邑皆共修營巷陌康

莊塗拭清淨灑以栴檀香水散以占博迦花

幢蓋凌空香烟滿路見者愛樂如歡喜園復

遣搖鈴遍皆宣告諸人當知或先任城中或

他方新至所有人衆皆悉存心明日晨朝看

大仙出衆既聞已各至途中瞻望仙人步出

城關咸生希有悵望而歸時阿私多仙還向

本山繫心禪寂以智方便發起神通報命將終遂便遇患雖加藥餌瞬息無幾時那刺陀來禮師足白言大師我本出家求甘露味師所得者幸願共分師曰我亦同汝本出家時意求甘露竟無所獲空處生涯彼雲山側劫比羅城太子興世相師共記當成正覺號天

號十

七

人師稱一切智汝當於彼而求出家捨高慢心當自謙下勤修梵行作不放逸當於今時獲甘露味說伽陀曰

如來出世難遭遇 今得逢時甚希有

汝莫放逸至心求 當獲無生甘露味

作是語已便即命終如有頌言

積聚皆銷散 崇高必墮落 合會皆別離

生者咸歸死

今時阿私多仙命終之後弟子那刺陀如法焚燒殯葬事訖割捨憂感遂詣娑羅苑斯於諸仙內而共住止其那刺陀先是迦多演那種族時人因號迦多演那仙人眾皆敬重時

盟逝尼王所生太子名曰燈光王付八母而為瞻養是事無闕乃至年漸長大伎藝博通文武所須無不綜習

釋迦菩薩為童子戲燈光太子亦為童戲菩薩受太子灌頂時燈光亦受太子灌頂菩薩出四門觀見老病死患遂於三夫人處生獸離心所謂牛護夫人鹿養夫人名稱夫人此為上首六千絲女咸皆捨棄於其中夜踰城而去往空林所修出家業依止仙人學殊勝定離欲界欲次從曷羅摩子習無所有定斷無所有處欲更無導者便於六年專修苦行不別證悟將為無益遂即任情而為遊縱噉好飲食蘇油塗身湯水澡浴往聚落中於難陀難陀力二牧牛女所食十六倍上妙乳糜迦利迦龍王尊重讚歎於善吉邊取吉祥草詣善提樹下自敷草已端身正念加趺而坐心念口言若不斷盡諸漏我終不解加趺是時菩薩以慈心器伏降伏三十六億千魔眾

已證無上智受梵天請往娑羅泥斯三轉十二行法輪時燈光王亦於此時受灌頂大王位以法教化嗚逝尼國人民熾盛安隱豐樂廣如餘說由王方故百姓歌謠歡會相次隨處供養勝上天神穿五百池五百渠水令人受用無有闕乏

燈十

八

第六門第二子攝頌曰

燈光得為王 有五殊勝物 因叙奇異事

廣說健陀羅

時燈光王有五勝物云何為五一者勝雄象名曰葦山二者勝母象名曰賢善三者勝馳名曰海足四者勝馬名曰衣頸五者勝使者

名曰飛鳥其象日夜行一百驛母象日夜行八十驛馳日夜行七十驛馬日夜行五十驛飛鳥日夜行二十五驛其王雖有如是勝物快樂安隱然而四大不調忽有不睡之病由此疾故於甦起僧於酒生愛時諸醫人以種種妙藥與酥和前上三令服王不肯用時太

子中宮咸知酥藥能治不睡皆奉藥酥王更憎睡王乃勅曰若有人當在我前說酥名者當斬其頭王既無睡便於初夜與內官人共為歡戲於中夜時至象馬廐而為檢閱於後夜時觀諸庫藏自持利劍問守更人曰誰為警覺若第一問及二問時不應答者無容忍

怒至第三問不相答者便斬其首由斯嚴酷隱燈光各共安餘字號曰猛暴燈光王於異時命大夫人及內宮曰我親警覺尔何眠睡答言大王我亦警覺如是連宵不得眠睡共白王曰若使我等通宵不睡者是則無由稱可王意又此不眠廢我等業王曰若非尔業

燈十

九

誰復應為答言太子應作時王即便行告太子曰何不警覺答曰我為警覺後遂不能便白王曰若常令我為警覺者便廢王業此非我事王曰誰復應為答言大臣應作王即便行告大臣曰何不警覺答曰我為警覺後遂不能便白王曰若常令我為警覺者誰輔佐

王如法化世此非我事王曰誰復應為答言散兵應作王即便行詣散兵所告言我自警覺汝等何因不為警覺後遂不能便白王曰若常令我為警覺者如何為王共他交戰此非我事王曰誰復應為答言百姓應作王即便行詣百姓所同前問答時彼國人番次守更而為警覺時賣香童子當其番次念王暴惡或當殺我遂於夜中掌頰懷憂時彼知識見而問曰仁何故憂彼即以事具答知識彼便報曰汝家不遠有人名曰健陀羅何不相求為警覺事童子報曰如我惜命彼寧肯為設使見求定不能作告言與其錢物必當為作即往相求彼人報曰若能與我五百金錢我當為作即便許彼健陀羅曰日當與半若我命存相還未晚如其身死此即屬君隨情所用即便與半彼得錢已多買酒肉及諸餅果王執仗人並皆命食咸令飽足報諸人曰王令警覺我當番次問諸人曰大王如何作

警覺事彼皆其報所有因緣健陀羅曰幸願君等為我思量答曰我等蒙君所賜美膳在腹未消云何不為問曰我等為君欲作何事答曰若王來問誰警覺時喚我令覺答言如是時健陀羅即於中夜以毛毯紫膝坐而暫睡王於初夜與宮人戲笑於中夜時觀諸象馬便於後夜問守更人諸人告曰健陀羅汝覺勿睡大王欲來彼遂警覺王便告曰警覺者誰健陀羅聞作如是念我若初言即為答者後時不然定當斬我頭落于地即不言應王更喚之誰為警覺彼還默然第三復命警覺者誰答言大天我是健陀羅王曰健陀羅

幾十

十

汝思何事彼有智慧於世間事善能談說答言大王我思世事

內攝頌曰

鶴鷓鷄飲乳

芒草尾身齊

班駁與毛同

沙盆水不溢

鹽麩水差別

衣瓦變成塵

是謂健陀羅

世間思十事

王曰汝於世事何所思量健陀羅曰世有奇事且如鴝鷓鳥有毛無毛以秤秤之輕重相似王曰此事實不荅言王當自驗王曰若然者善我自親觀健陀羅至曉得鴝鷓鳥對王秤看後去其毛秤便相似王曰此有何緣荅曰由風扇羽王曰汝有妙智荅曰由王故然

王遂默然時健陀羅愁過一宵以手摩頭而還舊宅時賣香童子持餘半物還健陀羅是時國中但當番次皆以五百金錢雇健陀羅求其警覺為知更次王於後夜問言誰覺荅曰我健陀羅王曰汝何所思荅言大王我思世事王曰云何世事荅曰長項白鸚以水和

乳令飲但飲其乳唯有水存王曰此事實不荅言王當自驗王曰若然者善至曉便將鴝鳥對王令飲果如所言王曰此有何緣荅曰鳥口性醋若飲乳時遂便成酪致令水在王言汝有妙智荅曰由王故然王遂默然復於他夜王問誰為警覺如前荅言我為警覺王

賤十

十一

曰汝何所思荅言大王我思世事王曰云何世事荅曰世有荍草以物椎打與不椎者若以秤秤輕重相似餘草不然王曰此事實不荅言王當自驗王曰若然者善至曉便將荍草對王椎打便以秤秤果如所說王曰此有何緣荅曰椎打之時便有風入乃至王遂默

然復於他夜王復問言何人警覺荅曰我健陀羅王曰汝何所思荅曰我思世事王曰云何世事荅曰有吉靈鼠尾與身等王曰此事實不荅言王當自驗王曰若然者善至曉便將鼠來對王比度誠如所言王曰此有何緣荅曰我於春時見緣樹下尾與身齊乃至王遂默然復於他夜王復問言荅曰我為警覺王曰汝何所思荅曰我思世事王曰云何世事荅曰大王我思雉鳥於其身上隨有班駁還有介許莖毛仍除其尾王曰此事實不荅言王當自驗王曰若然者善至曉即得一雉對王果如所說王曰汝何得知荅曰我先數

知王曰汝有妙智答言由王故然王遂默然
又復問言何人警覺答曰我健陀羅王曰汝
思何事答言大王如沙滿盆還將盆水添滿
不溢沙水同處兩不相礙王曰此事實不答
言王當自驗至曉即以盆盛沙寫水令滿其
水不溢王遂默然又王問是誰警覺答言是

我警覺王復問言汝思何事我思世事云何
世事我思以鹽一升和一升水其水不增王
曰此事實不答言王當自驗至曉即以水和
鹽王親自試王問何故答言鹽從水出得水
依舊王遂默然王復問言何人警覺依前而
答王曰是我警覺王復問曰汝思何事答言

我思世事王曰云何世事答言我思以水一
升和一升麩揣不相著王曰此事實不答言
王當自驗至曉取水及麩對王和試王問何
故答曰我本國人並多食麩常見如此王云
汝能記事答言是大王力王遂默然王復問
言何人警覺同前問答乃至云何世事答曰

第十

十二

我見世人常於日夜機杼織功所出絹布綺
繡之屬不知何去王曰我亦不知此物何去
健陀羅曰此等諸物終歸為土王曰誠如汝
說終歸為土王復問言何人警覺同前問答
乃至云何世事答曰我見世間諸陶師等日
夜不住多作瓦器不知此物向何處去時王

答言我亦不知向何處去健陀羅曰此等諸
物化為泥土王言如汝所說爛為泥土

內攝頌曰

猛光親問母 知從蠟所生 與彼五百金

驅之令出國

爾時大王既見健陀羅多有情智應答巧便
即更問曰汝多智慧能了世間種種事業我
不能睡此有何因健陀羅曰唯願大王寬其
罪賜無畏敢為王說王曰賜汝無畏隨意說
之時健陀羅即白王曰土從蠟生王曰汝今
罵我健陀羅曰王今實說豈敢相罵如其不
信待至明旦王自驗知王報言好至天明已

時健陀羅掘地作坑滿填牛糞上安敷具令
 王卧息即便得睡王自證知尚疑虛實遂入
 宮中問其母曰我今有事要須問知當可實
 說我從何生母曰大王今可與我無畏我當
 為說王言與母無畏即便報四汝昔父王多
 諸姝女因行他國綿歷歲時我起欲心忽見
 一蠍作如是念此是丈夫我共行欲可不樂
 平時被蠍變成男子與我交通便覺有娠因
 茲生汝王既聞已作如是念彼健陀羅有大
 明慧能知我本從蠍所生我施無畏不可刑
 殞今者應可重與賞賜令其出國勿使眾人
 知如是事遂即賜與健陀羅五百金錢令其

出國

三末

根本說一切有部毗奈耶雜事卷第二下 感十
 潰水讀上音 緹字線 履履下音 革屣下音 傘上音 闍聲散
 嗚鉢骨上烏 那刺下達 赫上音 薩埵下音 頰上音
 上昌演反 闍利下 廐反音 國祚下音 頰他上音
 下徒谷反 闍利下 廐反音 國祚下音 頰他上音

善翊反 從下上音 祠祀二字音 乳哺下音 普王
 聲下 怨敵下上音 徒行徒行也 藥餌下音 憂悴下音 霹
 震下上音 履反 徒行徒行也 步下音 藥餌下音 憂悴下音 霹
 佳反 綜習末上音 牧牛上音 乳糜下音 歌謠下音
 檢閱悅下音 嚴酷下音 簞反音 簞反音 紫反音 鶻字
 留音休 班駁角下音 麩反音 不反音 雉反音 揣音 機字

杼下音 蠍反音 掘地物上音 娠身音

根本說一切有部毗奈耶雜事卷第二下禮一

唐三藏法師義淨奉 制譯

內攝頌曰
 猛光侍縛迦 金光醫羅鉢 那刺陀得果
 妙髮鉢持油
 尔時猛光王默自思念我今嬰此不睡之病

礼一

高麗